

思印氣訣法

印封山川 河海江湖先叩齒十二通 向所印地 左手捻都監訣
 閉氣步九跡 若山川者 思作鹵簿 天官吏兵隨方色 皆持鉤鑲
 鉞斧 大行分散山林間 炎山如獵狗開目 廓山林木 口吸氣 內
 左咋 微吞氣 目中新鍛林神三人 衣赤幘 在口中 三舉目大視
 三吸氣咋 三吞氣 三人主引氣 如牽縮入口中羅網 口左咋吞
 之 入腹中 山川河海江湖 皆三舉目營 五吸氣 三咋一嚥 氣
 滿吞之 合九咋 然後口吸氣 向印祝二十八宿 三官約誓黃神越
 章 十二時百二十禁防 令氣聚精縮氣 印山山崩 印邪邪消 印
 鬼鬼死 印叛叛亡 即還印盜賊 刀兵 毒疫及諸山賊 盡皆摧折
 便左手持印封之 閉氣二十 便持印去 以某口四面吹惡氣 左
 手書地作井字 去勿顧 存肝中三人 衣青衣赤幘 鉤鑲鉞斧 存
 心中三人 衣赤衣赤幘 鉤鑲鉞斧 存肺中三人 衣白衣赤幘 鉤
 鑲鉞斧 存脾中三人 衣黃衣赤幘 鉤鑲鉞斧 存腎中三人 衣黑
 衣赤幘 鉤鑲鉞斧 手抑頭視目 歷山三過畢 如法氣數 以百二
 十章 印懸官法 常印竈前井圍 附左右人家 奴婢叛及去 絆馬

思印氣訣法

清微藏書閣

皆當 順封其跡必去 逆封其跡必還 雷電霹靂 在人屋舍左右前
 後 先三吸取霹靂邪氣噓印中 封宅四角 克止

惡人欲擊人 以印封其命上

若疫氣流行 以真朱投印齒中 封人門戶上 若封符廟 當入

廟 捻都監訣 閉氣向四面吸廟神畢 噓印齒上 印五酉送鬼法

若有山石及大樹 比伐之 為作穴足 容印以竈土 若酒和之 著

於穴中 問閉氣十二息 禹步印之 咒曰 太上老君 千兵萬騎

收捕天下大樹之精 高山之靈 龜鼉龜鼈 魍魎魑魅 天下五酉

狐狸老獺 伏死天罡下 斬頭截舌 不得動作 急急如律令

惡人逆吏 當見中傷 封之法 見逆人便引左氣十二 加右

以印向之 仍進三步 閉氣三通 閉目一氣 便心咒曰 天道通我

日月利我 星辰保我 四時養我 五行成我 謀議咒詛 惡人逆

吏 伏屍天罡下 急急如北斗越章律令

封門戶斷鬼法文 作章鑿穿如印大 赤土著中 向人家商角徵

羽上印之畢 禹步 著門上字 向外咒曰 里社邑君 道上二玄

三元四始 甲子諸官 君門伯戶 丞直灶君 宅中里吏 青龍白虎

朱雀玄武 天一貴人 六合天后 道民某甲 家口如干人 今居某里中 與太上有約 天師有言 使甲家從年竟歲無他 災患縣官消伏 逆惡滅亡 盜賊者絕 口舌不生 水火伏死 又卻五兵 陰陽利幸 男女貴一昌 宅中安穩 無有覃殃 吏兵北斗 與日月列行 印神真符 保以金剛 急急如律令

法解考陰災 當天罡加災者 以今日之神名呼三過 閉氣極息 印向天門 左足加右 迴進二跡 三呼太上無極大道太上老君 太上三氣君玉陛下 天師祭酒 受天之經 案天之紀 四時五行 斬無道之子 千精萬邪 伏不敢起 急急如律令 名山大澤符廟封之法 向王散髮 禹步三過 閉氣二十四 便視天 見一人長三千萬丈 烏衣赤幘 手持三五神符 來集印上 狀如二寸一分 亦取土著上 左足加右 九躡上 次以印向鬼 次土著廟 前去二十步許 閉氣三過 一呼左太上 右玄老 太上收汝魂 急急如律令

若去廟遠者 可以印內 懷中三過 閉氣咒印 三五列行 北斗縱橫 三台五斗 今在我後 千鬼萬神 莫不越走 急急如律令

思印氣訣法

清微藏書閣

若天行時病厄急 以印宿露 著案上一宿 旦以香水一斗 亦可五升洗之 以真朱粉之 往病家 未至三五十步 存心為火在前 徑往燒病人家屋 令目見蕩盡 次存腎氣 作水往殺火 次進視病人 左手捧心 咒曰 君子真 何以太上生汝 便以左足加右 引左氣十二加右 以印印額上氣 止厭光怪者 以印內懷中 白紙著灶上 以清水一升著灶前 次閉氣三通 以印泥上過 左回轉 閉氣而去 若千里外 速行不得 陰間恐懼不安 可取井中土一斗 著器中 令乾槁 平旦以印印之 向東閉氣 握固九過 還土著井中

若亡人復 冢墓不安 可以真朱著印齒中 以白素辟方一尺印 之 遂封著隧中 次作著床頭 無鬼不安穩 千神皆懼樂 復連斷絕

若蠶不收 女子不宜蠶 及宅中虛耗 可以鐵人各二枚 埋著灶中 以印印向王 次土甄辟方一尺印之 著圍前 去圍三尺 以印字向王也

若家有火厭之者 以大板長一尺二寸 廣七寸 朱書上作 元

官考生君 天帝精鬼神 懸著園前 吉

若天災疫氣流行鬼殺人 千師萬術不敢禁 可以青竹十二節
著井中斷之 竹節長三寸三分 一宿取之 以白米三升 酒三升
著器中 又一宿 次以竹著酒中 又一宿 平旦 以一合與一人服
之 皆令王日 作之服之 向王服
若家女水淹則不行 大家饒人口 別住心可 房房各作斷之一
法 天罡日 取井華水一升 向王再拜 印著水中 散髮東向 以
左手三攪水令轉 以右足左御髮 便卻步二十四跡 以水投竈中
勿令人知之

思印氣訣法竟

天運辛卯年亥月正一天師清微弟子洪鼎堅羅大英恭錄彙編

李艦複校

思印氣訣法

清微藏書閣